

423

71.

DEO OPTIMO MAX.
UNI ET TRINO,

VIRGINI DEI - PARÆ ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Jovis decimo mensis
Maii, Anno Domini M. DCC. LIX.

P R Æ S I D E,

M. GUILLELMO-JOSEPHO DE L'EPINE,
antiquo Facultatis Decano, Doctore Medico,

An Aër Alimentum, Medicamentum, Venenum?

I.



UIDQUID sinu complectitur universi orbis immen-
sitās, triplex apud physicos constituit Regnum.
Vegetabile dicunt, animale & minerale. Duo priora
sola præbent alimentum: Tria medicamentum, aut
venenum. Alimentum dicitur, quidquid nutrit,
aut accretionem corporis viventis promovet & servat: Medi-
camentum, quidquid corpus vivens labefactum aut læsum resti-
tuit. Venenum tandem, quidquid lædit illud aut destruit. Nulla quæ
nos ambiunt corpora, non lædunt, aut non juvant. Afficimur omni-
bus & singulis diversimodè quidem, at nunquàm illæsi aut inre-
creari, plūs, minūs. Solo vitæ usu detrimimur, & lento inediæ car-
peremur igni, tenuisque sensim confecti vaporaremus in auras, nī
refrigerium præsens occurreret cibūs, languidis solamen artubus.
Ille non unus; salubris, insalubris, & neuter. Sunt permulta quæ
lædant: Olfactū, umbra nucum juglandium, &c. etiam sine odore, ut
toxica quæ Itali in florum sertis, chirotecis, permiscere assueverunt:
Aspectū; ut Bufō moriens in recipiente exhausto per antliam pneu-
maticam aëre; Basiliscus (si credere fas est), lumen vividius, color
phœniceus, carbones ardentes, sol &c. Tactū; torpedo, cantharides,
ignis, caustica, venena permulta Quam multa & innumera Gustū: Hæc
percurrere, historiam scribere sit. Quin & Auditū: ferri rigor atque
argutæ lamina ferræ, & tormenti bellici strepitus, & fulminis im-
provvisus fragor. Hæc venena habe; Totidem quæ opponas benigna

A

offert natura; suaves salutiferosque odores; ægri quibus reficiantur; colores lætos ac temperatos, ut virides, cæsius, aureos, cæruleos, cœlestes. Corpora glabra, levia, temperatè calida, quis tangere non gaudeat? Gustûs innumeras quis non novit delicias etiam sobrius? Fidium, vocis & tibiæ præstigias inficiari quis audeat? Tot bona quæ alma incredibili munificentia profundit natura, sagaci judicio explorare libeat; totidem habebis alexiteria. Hinc ferè nihil in rerum naturâ quod pro re natâ, pro ætate, sexu, opportunitate, aut intempesto usu, &c. non juvet sanitatem aut illi noceat, non sedet famem aut sitim, eludat aut fallat.

I I.

CREATIS simul substantiis non indita omnibus dos eadem. Variis suprà fidem modis quoslibet & singulos nostros sensus afficiunt. Variè eisdem sensus in diversis hominibus. Quantò major diversitas in animantibus? quod nutrit unum, occidit alterum, salubre fit alteri. Cicuta vescitur Sturnus; Athenis obiit sapientissimus Græcorum. Fœcula *maniot*, cibo est haud aspèrando: letho dat succus ex eadem radice expressus. Alunt lumbricos, reptilia, &c. loca mucida, æterno fœta situ, aëri ferme impervia. Sunt per se quæ reficiant, sunt quæ bonum habitum sustineant & conservent. Sunt quæ naturâ neque malefica, neque benè facere idonea, pro re natâ bonam aut pravam acquirant indolem. Sic per, & post usum aquarum Chalybeatarum, Thermalium, &c. etiam post aliquot menses, fructus horæi, fermentescibiles, vegetabilia pleraque, acida quæcumque, venena fiunt. Sic imbecillitati ventriculi diuturniorem calentis aquæ potum excipienti, panacæ instar meri potus. Anginæ spuria, à mercurio, remedium præsens catharsis, aliàs futura gladius anceps. Habe igitur venenum quidquid nocet, vel per se, vel occasione datâ: alimentum quidquid nutrit, aut nutritioni addit, pleniorē reddendo; quo sublato, minor, imperfectior fit nutritio. In Medicamentum tandem accipe, quidquid languentes vires recreare, malum quicumque habitum in melius, si non illicò, saltem lapsu temporis, immutare valet.

I I I.

PANDORÆ pyxis aër. In ipso, de ipso, & per ipsum vivimus, movemur, & sumus. Aër est liquidum pellucidum, unde quaque diffusum, grave, elasticum, rarefcere & condensari ultrâ modum habile. Aquæ communi, lumini, acido primigenio, principio odori vegetantium quodcumque sit, sulphureo triplicis regni, incorruptâ pelluciditate misceri aptum. Vis illius solvens nulli æquiparanda menstruo; sive solvat per se, sive quod omnium ferè substantiarum solutionis capax, victoris jure, harum omnium sibi jura arroget Dominus. Ideò nutrire, reficere, necare quis inficias ierit? Omnium quotquot circumstant,

dotes acquirit sedulus. Stadiorum nescio quot millibus à littore maris muriam redolet naribus inassuetis inamabilem. E medio pelagi dum adhuc oculis omnia pontus erant & sine littore, vaser quidam novi orbis quæsit, littus, inquit prope est, odore ni fallor: benè illi; jamjam enim longis viæ erroribus defatigata & exspes nautarum classis ipsius devoverat caput, præcepsque dare in abyssum prona, restitit: brevi datâ morâ, eminùs terram aspexit, naribus (emunctis sanè) priùs subodoratam, quàm suspectam oculis. Ubicumque igitur vaporant ex humo succi crassiores, mucosi; pingues & nidosi, aër se horum succorum adipe saturabit. Imbibitus jam per aspirationem & poros cutis tanquam per cribrum patens, cur gelatinoso & mucoso plasmate rimas solidorum detritas non sarciet? Jus necis nonne asserit aëri recens effosarum cryptarum halitus vulgò *le Plomb*, repentinam audaciori mortem inferens? Reficiendæ salutis, si langueat, munere, quis adeò peregrinus in Medicinâ qui pollere dubitet?

I V.

ET verò nonne obesi ferè omnes qui in culinâ vitam degunt; coqui & coquorum ministri? Nonne pingues & vultu florido conspicuæ laniorum conjuges, quæ inter recens mactatorum animalium trepidantia membra & exta adhuc fumantia, nidosum diù noctuque carniū ducunt spiritum? Nonne ubi stagnantes torpent aquæ, languet infelicis coloris fames, dum devorat cibos aprici montis non fortunatior macilentus hospes? Quis non novit famosum specum Acherontis, vulgò *la grotte du chien*, qui solo halitu in nictu oculi canes enecat non ampliùs revicturos, ni ante minutum horæ cito citiùs retrahantur? Quot morborum semina venis infundat perfidus Auster, quis nescit? Elastico nimis jugi montis aëre hæmophthysim illicò excitari an fabulæ? Ruris amœni læto aëre, tempore verno, suavi prati florentis odore, vel nascente aurorâ, vel sole cadente, quis se refici nunquam sensit? Quot febres hæcticæ, rebelles, solâ aëris mutatione evanuerunt, contrariâ recruderunt? quot phthyses, cephalalgia, novo aëri terga dederunt præcipites? Prout levis, gravis, densus, rarus, humidus, siccus, calidus, gelidus, mæstum, gravem, tristem, pigrum, lentum, alacrem, hilarem audacem facit plûs minùs, pro ætate, temperamento, sexu, diversâ valetudine, aliisque circumstantibus.

V.

CONSTET igitur Aëris rationem non levis esse ad vitam tuendam momenti, si alat, si perimat, si vivificet. Quis posthac adeò suæ salutis negligens, qui indiscriminatim ubique habitat? Purum ubi sine labe cœlum, aër non nimis densus, nec ultrâ modum rarus, non æquo siccior aut præhumidus, non elasticus ad frangenda vasa sanguifera, non torpidus, qui nullo unquam pulmones elatere sus-

citet, ibi volo vivere. Non malè mecum actum est, ab ubere cœ-
 lum hausisse parisiense. Non mihi veniat in mentem Riphæos, Alpi-
 nos, Scotiæ aut ultimæ Thules habitare montes. Non, infidum sub
 pedibus Limæ aut Uliſſiponæ calcare solum; ex fissæ telluris rimis
 profundis vaporat diù exitiosa mephitis. Batavorum paludes & ca-
 nales æternos colat infelix Belga, non ego. Mirificam jactent suam
 urbem Veneti curribus & equis inviam; hanc dicant posuisse deos;
 placeat & Diis & Veneris, non mihi. Me recreat salubris Vicennarum
 ager, me Cauciacus aliæque amœnæ puri sequanæ ripæ; non dis-
 pliceant & Matronæ quamvis tardi, conterminæ villæ; nec recusum
 Isaræ fieri accola, modò tamen his fluminibus non justo vicinior.
 Mihi præ cæteris arridet Parisiensis agri vicinia. In urbe non æquo
 pede quodque limen ingrediar hospes. Nascentem videat solem, aut
 medio rutilantem cælo, quam habitem domus. Adversus aquilonem
 duplicato vitrorum clauſtro benè munitam, minùs reformidem, quàm
 occidentalibus ventis perflatam. Non mihi vicinus sit Coriarius, non
 lanarum infector, non immundæ candelæ confector, aut inurbanus
 Bubulcus, aut olidus Caprarius. Vestras pascite oves, pueri, in aprico,
 non in tabernis civitatis; nec immundo fimo urbem polluite,
 Depellite in agros juvenas & asinas; pendeant summis de rupi-
 bus capellæ; salubriori & uberiori lacte illarum distendentur ubera.
 Procul à me non minus detestabilis quàm necessaria laniorum gens,
 quæ putri tabo vias urbis aspectu horribiles facit, & odore terro-
 ac nauseabundo conspurcat. Vivant in macellis piscium, quis lucris
 bonus est odor ex re quâlibet; at mihi non tanti sit optimos pisces
 marinos, saxatiles, fluviatiles, comedere. Ignoscere, precor, ignos-
 cite pii parentum cineres, si vos ad aliquot ab urbe milliaria versùs
 Boream, Martis ultra collem, relegari malim; longè melius & ma-
 jori vestrâ reverentiâ, à petulanti & invecundâ plebe semoti dege-
 retis in aëre puro, vestris nepotibus innoxii, quàm in medio urbis,
 ubi vos commingit irreverenter præteriens calo, quisquilliis, sor-
 dibus, & spurcitiis quibuslibet obruit proximi cujusque ædium con-
 ductoris ancilla; deque sacro & omnibus gentibus venerando tu-
 mulo, latrinas facit abominabiles.

Ergò Air Alimentum, Medicamentum, Venenum.

Proponebat Parisiis JOSEPHUS DUSSANS, Atyrensis, Saluberrimæ
 Facultatis Medicinæ Parisiensis Baccalaureus, A. R. S. H. 1759.

A SEXTA AD MERIDIEM,